


0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28



浙江圖書館



浙江圖書館



浙江圖書館



浙江圖書館

皇明名臣琬琰錄卷之三十二



桂公彥良墓誌銘

李公文彬墓誌銘

劉公仲璟傳

劉公傳

程公彥亨傳

宋君之先合葬墓誌銘

金君用誠墓表

賴君添貴墓誌銘

瑯琊

王世貞續編



王景

陳璉

陳中州

鄭曉

程敏政

楊士奇

楊榮

楊士奇

浙江圖書

楊公述墓誌銘

大學士張公廷光傳

右長史梁先生墓表

南川林先生墓表

懋齋李公傳

石湖吳公墓誌銘

周公行周傳

靜菴周公碑銘

何奉祠公傳

陳仲昭墓誌銘

許彬

顧璘

湛若水

羅洪先

林樹聲

楊士奇

湛若水

陳昌積

方孝孺

目錄終

浙江圖書館

奉政大夫晉王府右長史桂公墓誌銘

惠

常州王景撰



洪武二十年十二月某甲子晉相府右傅桂公卒享年六十有七明年正月某甲子葬於董粵之原循先志也又明年其子慎奉其友韓宜可狀來請銘不獲辭公諱惠稱字彥良以字行送幼不群聞長老道經訓則嗜若醇醪既冠通經史百家鑿秋闈中不得志于南宮居長包山丹長高節皆有文名除平江踞文學傅掾不就威孤不茲蠅俚荒蠹公以六籍橫鷲大肆伸儒遏暴方氏連甌越來辟立謝之聚徒山中嚙躋道真永雋聖涯曰吾以待天下之定也

皇明天造反剗剗爲一歸于正洪武紀元觀風者以名上  
省憲交辟不起六年大徵天下士行省復以名聞持詔公  
車則千數千之列唯公得以白衣錫宴除皇太子正字授  
承事郎侍講六年顯仁闈義出周入孔興衰治忽敷戩剗  
切東宮深器之會文華堂給中不飭勅公啓迪曰昔許魯  
齋諸生多爲宰輔卿其勉之及侍宴也御製勅訂正以問  
諮以治道公曰道在心心不正則好惡頗好惡頗則賞罰  
差則太平未有期也是以君人將忿歆是務去明年日南  
至有事干圖丘以祝文謹主者公曰予小子履湯用于郊  
我將我享武歌于廟以古率今未足深謹上咲曰卿動援



經史屢聞獻替稱善久之嘗有墨敗官者賜死公力諫如律不聽公但曰三尺法當與天下守之上領之滋歆試以事以三府疑獄命之讞以情原者若干人翰林以失議見呵公奏當取長畧短以造其全時方以法繩下訪曰法數行而數犯奈何對曰用德則佚用法則勞勞以靖民則民勞而弗靖德以靖民則民情于德矣他日與林温同侍上曰卿何官曰正字上曰卿帝者師也其為上所屬類如此十一年除晉相府右傅授通奉大夫內出勅文以孔孟期之在官責重望尊治出聲生府告無事王益重之政多決焉公謂王者一正心而國定因進心圖以明之十三年革

相府改長史授奉政大夫以疾謝詔許之十五年朝京師  
上太平十二策奏報十八年勅歸鄉里五世祖萬榮宋寶  
章閣學士知常德府高祖某宋宣議郎曾祖康老宋富陽  
知縣祖俊卿贈嘉議大夫浙江運鹽使父與紹贈中奉大  
夫浙江叅政初公元中書右丞葉文簡公之孫判慶元府  
同之子也生而室有光燁如流星以為不祥出之叅政公  
子之娶岑氏早世三男子曰抗曰智皆夫再娶于陳封夫  
人至孝持身治家內外井井不以貧疚不以貴驕先公卒  
享壽五十有七與公同墳異歲生慎及全慎仕為中書舍  
人公平生純一見道處官若家尤不以貧富動心仕止進

退不亟不紆坦坦施施及與人交命觴詠詩踔厲風出窮  
日夕不厭人以春風和氣目之其著作有和陶集春和集  
清溪集知足集凡若干卷嗚呼甚矣儒道之有裨于世也  
身用之則榮家國用則寧天下用以平公自結髮戰藝以  
功名終將何修而致是哉亦唯道而已矣嗟乎道之為用  
閱矣銘曰不詘而伸其道允歲不楮而文其德不爽天球  
在序金奏在宮聿諧其施以裸匪躬旣燁其英亦頌其聲  
有閱其羸繫後之成

浙



浙江圖書館

故資政大夫靖江相府右相李公墓誌銘

陳璉

公諱質字文彬號樵雲姓李氏其先開封祥符人在宋季  
有仕于德慶者因家焉公生穎悟有大志蚤知嗜學經史  
子集無不讀讀輒記憶既長遭元季多故與時落落不合  
遂家居不出日與弟文昭放情山水以詩酒自娛居無何  
中原擾攘嶺海多事公起構義兵捍鄉里及德慶踞陷士  
民遑遑無所依戴推公入守之相夜浚城隍繕甲兵拒險  
要以遏他寇由是一路賴之以寧時據鄉邑者剝剝殘忍  
公嘗戒麾下非遇敵毋妄殺或執敵人來獻率給衣糧縱

之家雖富饒急於賑施三族與鄉里流寓之貧者咸有所  
仰以故一時名士如建安張智茶陵劉三吾江右伯顏子  
中羊城孫仲衍王彥舉皆聞風來歸及

大明皇帝定鼎金陵遣師南言洪武戊申四月平章廖公  
永忠察政朱公亮祖總師至公遂散麾下全城歸附總兵  
遣使入奏 上嘉公忠誠召至慰勞再三賚予優渥就擢  
中書斷事越明年己酉轉都府斷事階奉訓大夫皆能執  
法丞相都督咸敬憚之五年壬子授刑部侍郎階中順大  
夫尋陞本部尚書階嘉議大夫尤慎於刑獄盡哀憐之情  
致淑問之頌寬猛適中為 上所知日益親幸時開行省

於浙江 上念厥地素重號稱難治宜簡廷臣有 望  
才器者徃綏之即拜公浙江行省叅知政事階中奉大夫  
是年秋九月也下車首以承流宣化為己任振紀綱正風  
俗勸農桑興學校舉遺賢邇民隱知無不為為無不力居  
三年惠流兩浙厥績以懋敷聞于上 天子念公老召還  
致政于京師嘗入見賜坐便殿訪以時政得失直言無隱  
上益重之八年乙卯冬十月復起為靖相府右相階資政  
大夫有勅獎諭甚至公益思竭誠以盡輔導之職嘗入覲  
因奏乞歸省先隴 上可其請 王親揮翰賦詩以賜復  
命藩憲元僚與府中官屬宴餞滄江之滌人莫不以為榮

後王坐事去國公隨終焉公美風儀性孝友治家有法  
接人以誠雖極顯融情素冲淡暮年尤工於詩有樵雲集  
若干卷生於元延祐丙辰三月十一日卒於洪武庚申閏  
五月某日初權厝金陵聚寶山後某年某月某日歸葬鄉  
之清秀里布山之原祖廣孫累贈嘉議大夫禮部尚書父  
熙春累贈中奉大夫浙江行中書省叅知政事祖妣孔氏  
贈淑人妣林氏贈夫人公凡三娶先梁氏次石俱贈夫人  
汪氏封夫人弟文昭學識優長隱德弗耀子四人曰恒曰  
震曰復曰頤皆知學好禮惟震有詩名孫男四人公瑾公  
瑜公瓛公玖女三人梁仕貞梁明理嚴公敏其壻也孫女



二人次第公之行實來速銘者即震也於戲自元綱解紐  
海宇兵爭乘時奮莫不剝下自封封威肆毒少知推一毫  
為利人事公能仁其族屬以及於衆視彼之暴豈直相萬  
孔及一時與公全城來歸者鮮克有終惟公 中外官

至卿相忠義著 朝廷聲名滿天下勲垂竹帛德在人心  
五福備膺子孫蕃衍非先世積善之深公存心之厚何以  
臻於是耶銘曰

嶷嶷李公世為粵人積善既久鬱而未伸族大而蕃實自  
公始值元鼎滂保障鄉里公之庇民如室斯宇公之好賢  
誠出肺腑 聖明御曆威讐四夷公散其徒全城來歸

帝嘉厥誠錫以錄秩尋陞秋官克殫忠赤後察大政于浙  
之中威德交孚聲聞上聰致仕于朝出于寵渥時敷陳  
多所裨益逮居相國有諤其言直雖不容此志則完之身  
云亡之德弗替慶流綿綿式延後裔清秀之里布山之阡  
勒銘貞石垂美萬年

浙江圖

谷王府左長史青田劉公傳

邑人陳中州撰

劉璟字仲璟生時月食復光誠意伯嘆曰夫隧迺緒而卒  
或榦之者也弱冠咀嚙經傳喜談兵究極韜畧握竒諸說  
二十八師事石樓子明志武慮鋒稜古人適甌冠葉丁香  
叛朝廷勅延安侯唐勝宗提兵討之在決策於璟破之復  
命白璟才畧高皇帝喜曰璟真伯溫子也朕將大授顧年  
少姑緩之不虞速樹如是顧謂侍臣曰璟絕有父風允脇  
朕望如此賜上尊搢璟偉貌豐髯論說英侃帝愛之次日  
召璟謂曰朕歆卿日夕左右夜考宋紀維閤門使如儀禮

司立百官之上為朕宣喚傳迎處爾無踰此官遂拜職賜  
第馬衣帶金書除奸敵佞四字於鐵簡賜之且命曰百官  
敢有不法卿持此簡糾正時袁都御史奏車牛事忤音環  
當殿以簡擊其項上曰正當如此自是舉朝畏環時谷王  
年十三將封宣府上素愛王每朝謂侍臣曰谷王年少羽  
翼無人柰何諸大臣畏環風力樂環外補奏曰輔幼藩非  
忠勇敢直不能闔門使劉環其人也上領之即日授谷王  
長史并勅提調肅遠慶寧燕趙六王府事巡行一日至燕  
文皇帝與環奕環勝帝曰先生獨不少讓我耶環正色曰  
臣可讓處則讓不可讓處不敢讓帝默然戊寅夏六月高

皇帝宴駕皇大孫嗣位己卯改元建文秋八月璟聞太宗  
南渡遂馳厥獻十六策嗣帝不用命璟赴大將李景隆軍  
聽證景隆不用璟計喪師會天大雪璟夜半渡盧溝河水  
陷馬斃璟蹶冰躓岸捨雪走良鄉裂趾次日跛行三十里  
時璟之子豹自大同來赴難越良鄉至琢州失景所在道  
遇素所差指揮使陳玉楷璟行次豹策馳騎反琢數十里  
遇璟翼璟上馬趨去還家養疾辛巳璟輿疾赴闕進聞見  
錄千萬言嗣帝不用命璟歸爨待用至家杜門讀書默觀  
天下動靜壬午六月太宗入承大統璟辭疾不起上欲用  
璟罪璟逃叛親王繫璟至京強以官璟辭下辭獄一夕徽

髮自經時鄭朱子罪沒其家權宦希旨緣例帝曰璟家難  
例鄭朱子詔其家歸葬之嘉靖乙酉提學萬湖東視學書  
生陳中州白其事立像配享文成之廟野史氏曰宋季犬  
羊入帝中華天日蒙耻蓋自有天地以來非常之變也高  
皇帝起而驅之九十三年流腥積毒一旦蕩然建平姜弱  
中葉不震文皇帝入承大統故物重光天下拭目游泳太  
平先生以故家宿碩才畧早試于高皇帝之朝忠義再著  
于文皇帝之曰是故才畧所以恢宏開基之統緒忠義所  
以撼激千萬代之人心夫非多於太祖而少於太宗也嗚

呼賢哉

谷府長史劉公傳

鄭曉撰

劉公璟字仲璟其父文成太師也弱冠涵濡經傳喜談兵  
究極韜畧握竒諸書偉貌豐髯議論英蕤賦賊葉丁香叛  
延安侯唐勝宗討之決策於公破賊還薦公才畧 上喜  
曰公真伯溫兒矣召見公謂曰朕欲汝日夕左右惟閣門  
使如儀禮司立百官上宣達為職處爾無此官者遂授之  
賜第馬衣帶金書除奸敵佞四字於鐵簡賜之且命曰百  
官敢有不法汝持此糾正會谷王封宣德府謂侍臣曰谷  
王年少誰可羽翼王者諸大臣故忌公對曰閣門使劉璟

忠勇果敢可任 上領之授谷府長史并勅提調肅遼慶  
寧燕趙六王府事公嘗至燕 文皇與公奕公勝 文皇  
曰卿獨不少讓我也耶公正色曰可讓處璟不敢不讓不可  
讓處璟不敢讓也靖難兵起公馳還京獻十六策不聽令  
叅議李景隆軍事景隆又不聽景隆戰敗公夜半渡蘆溝  
河水陷馬斃璟力破冰跳躋岸冒雪走良鄉裂趾跛行三  
十里公子豹自大同起難越良鄉至涿州遇公翼公上馬  
奔還家養疾建文二年公輿疾赴闕進聞見錄千萬言又  
不聽令公還家待用明年六月建文君遜位公稱疾不起  
法官論公逃叛逮至京見 上猶稱殿下且云殿下百世



後進不得一箇 字下詔獄徽髮自經死法官希旨緣坐  
其家 上不許得歸葬嘉靖乙酉提學副使萬潮肖像配  
享文成祠

浙江圖書館

浙江圖書館



浙江圖書館

長史程公傳

程敏政

公諱道字彥亨其先自歙篁墩遷績溪程里再遷坊市祖  
平素業儒洪武初以監法坐繫御史廉其非辜喻其旁引  
衆人則可免平起對曰某不幸爲人所誣而又誣人欺天  
矣寧以身待罪御史嗟異竟謫戍延安有同謫而旅死者  
平遣子負遺冒歸其家以貧故不納又買地葬之伯父以  
忠洪武庚申用人材舉知潮之程鄉縣有治跡父以誠尤  
以孝友聞初以忠子泰將省父程鄉以誠與俱中道聞以  
忠得罪被逮且庫作偕行者誅泰友走以誠大罵曰汝父

坐事正當捐生赴救舍之而歸獨何心乎遂徒步直前既至而冒瘴死聞者悲之公少有至性又得家庭之教動必尊禮嗜學不倦鄉先生竒之年十四補縣學生二十二以責入太學時洪武乙丑也丙寅聞以誠喪免歸徒步過嶺迎柩還葬葬已廬墓下癸亥年哀慟毀形妻子至不相識戊辰復上太學時平已老公上書言臣壯而無父祖猶父也臣祖老而無子孫猶子也更相為命今邊徼戍卒如林顧豈少臣祖者辭極懇切書奏高皇帝憐之而持其革不下私命兵部驛召其祖既至乃并召公東西立玉階下顧公曰汝識此人否祖孫相持哽噎不能仰視高皇帝嘆

曰孝哉若人今兵部除其籍驛送平還鄉庚午秋公以尚

書舉應天府鄉試時遣諸王將兵行邊以封建策諸貢士

於廷公所對稱旨龍推第一授遼王府紀善辛未從

王閱武臨清壬申從之國遼西時王府未建以祖喪

免歸復廬墓三年服闋復任未幾高皇帝上賓庚辰

王渡海南還辛巳進左長史明年從之國荊州悉心輔

導王敬禮之凡一國之事咨焉府中有衛士紀綱者用

詞事得幸公每召而笞戒之會文皇帝舉兵靖難遣人

至荊州公草上封事數千言文皇帝既正大統紀綱者

以入賀留侍歷宮錦衣衛指揮使被顧問因乘間及封

事遂有 詔械公詣京師簿錄其家公既死家人發戍邊  
又下績溪簿錄其家得 田數十畝遺書數十百卷牯皮  
數張黃希范洪武末先出知徽州府雅與公善至是亦為  
衛卒所捕并籍其家同赴京師而績溪程姓最衆幸使者  
仁恕罪止一房餘獲免焉 初 遼王雅重王命圖其像又  
錄其世譜親為贊之後十年公異母弟彥迪以事至荊州  
王召見之語及舊事曰汝欲見汝兄否彥迪頓首不知  
所對 王出遺像示之彥迪哭失聲并請其世譜以歸永  
樂中有仇家歆訟之者適彥迪他出家人惧而焚其像獨  
遣其世譜云公初讀書即屬志聖賢之學居常恂恂如有

越府右長史宋君合墓誌銘

楊士奇

宋之先自廣平徙江西之新淦又自新淦徙吉水至榮甫  
又徙廬陵積財能施及其子彬之孫成章生若璟翹楚倫  
輩中與大學士解公游公屢稱之其卒也為之銘墓娶孫  
氏金璧里名家幾子其弟幾子子環字文瑩自幼淳厚秀  
穎善學問從明經師日勤不懈舉中永樂三年第二甲進  
士為翰林庶吉士與脩永樂大典書成被賜賚擢吏部驗  
封主事授承直郎居職勤慎歲餘隆平侯董脩太岳太和  
山宮觀能周悉人情而矜恤其力竣事陞吏部考功郎中

授奉議大夫屬建北京又從侍郎師達采宮殿材於湖廣  
以寬厚贄達衆咸悅之 仁廟臨御封建諸子簡用輔導  
擢 梁府右長史授奉政大夫賜誥命又以其散官職事  
贈其父而封其母太宜人妻宜人為長史踰年小心恭恪  
王敬禮之丁內艱去贖贈之甚厚居喪杜門不出服闋  
改 越府右長史凡持已處事如在梁府一府賢之宣德  
八年六月八日以疾卒享年五十有二其孝悌之行一出  
天性處朋友鄉黨惇信義為人和厚夷垣犯未嘗校自守  
有素再以使命過鄉里無少長䟽戚接之懽然見郡縣長  
吏叙寒溫而已未嘗片語及私故尤為鄉先輩所重居兩



京不苟涉跡權貴人之門閒暇恒與文士知己觴酒賦詩  
其襟宇灑落於利泊然所著詩文有詞林稿南行稿梁園  
稿妻宜人同里劉氏父貴高毋闕氏生一歲而父喪其毋  
教育之精女紅涉知書年十六歸宋氏孝事舅姑舅姑沒  
不哀謹於婦道躬儉勤以治家尤薦意教子學問父沒毋  
老無子迎養終其身先是其毋卒於北京之官舍未歸殯  
踰年宜人亦卒其卒先夫卒之十日實五月廿八日云享  
年如其夫子男三忻懷恂皆志於學懷宣德八年第三甲  
進士女三孟歸劉體元仲歸龐彥瑛季尚幼孫男二光祖  
奎應女三文瑩之卒也家具蕭然無以為歸計於是懷言

其情於 朝特給舟併歸其三喪同鄉學士大夫官京師  
者集賻助之諸子將歸合塋其父母給事中康振於宋氏  
姻家述其事行為狀余故識若璟而相與之塋三十年為  
刪而約之為銘授其子俾刻而納諸墓銘曰

嗚呼文塋明經發身金馬石渠穀光早振簡屬天官克忠  
克勤再相興作亦克用仁察行與能進藩輔臣樂易之容  
靜貞之存不競不綵有執有循嗚呼文塋其君子人曷不  
百齡遽返九原厥有德媿合截于墳銘以昭之示其仍雲

奉議大夫衛府左長史金君用誠墓表

寔 熙宣時官

揚 榮

衛府左長史三衢金君以正統己未夏五月廿日卒于官  
子純懼其才行叡實之懿久或湮泯無以昭示後人謁子  
文表諸墓為之叙曰君諱寔字用誠浙之三衢開化人曾  
祖振之祖伯圖父德厚三世俱不仕母蘇氏君自幼穎悟  
書過目成誦始從叔祖戶科給事中玉衡學即知屏去浮  
靡專意經傳暨游邑庠甚為典教者稱賞且以遠大期之  
歲壬午 太宗皇帝入正大統詣闕獻書以君德民政為  
之綱躬行仁義虛已納諫明察善斷審於用人恭儉節用

為君德之日厚風化尚廉耻省刑罰薄賦稅愛民力為民

政之目 太宗嘉納其言復親策之對稱 上旨命入翰

林與修 太祖皇帝實錄書成賜以金幣永樂紀元擢翰

林典籍脩永樂大典未幾特選為東宮講官時 仁宗皇

帝在儲位恩眷累加丁亥以外艱去服除陞左春坊左司

直即日侍 經筵講說詳明致有良佐之褒辛卯丁母憂

哀毀成疾甫十年始起任職 仁宗登極妙簡宮僚之賢

者輔導諸王乃授衛府左長使階奉議大夫誥贈其考如

厥官妣為宜人是歲復召入西掖纂述先正格言以備顧

問宣德丙午歸謁先塋恩賜優厚拜奠既畢日召鄉黨宗

戚相與燕樂以榮 上賜既還益以輔導為已任 上深

敬禮之今 上皇帝嗣大寶郊祀謁 陵悉以命 王左

右之力居多戊午冬王薨哀感成疾己未春為禮部會試  
同考官事竣上疏乞骸骨命下而卒享年六十有九君天  
性至孝少遊學官以不得奉旦夕歡朔望歸謁必奉觴上  
壽以悅親心父沒奉母宜人娛養備至友愛季弟老而弗  
衰處鄉黨以誠信善則揚之過則從容規之子弟好學者  
激勵而誘進之至於周貧恤難不吝所有故人林文節卒  
於京親為殯斂歸其遺骸太學生江表死無所托君既為  
治喪事閱其篋得白金數十兩封識以歸其家具以義從

事類如此居家敦行節儉而甚孝友賓客過從輒命酒為  
歡談論竟日疊々忘倦閱經史日有程限或有事妨夜必  
補之不以寒暑少廢故經史子書以及陰陽星曆醫卜老  
釋諸書悉能探其蹟而究其非嘗曰人不能無非覺而改  
之斯善矣蘧伯玉行年五十而知四十九之非孔子嘗以  
君子稱之因以覺非名齋賦詩以自警有靜存動察兢々  
自持之語為文章春容暢達理與氣俱詩則和平冲淡無  
雕琢之病有文集若干卷藏于家配汪氏封宜人子男三  
人長曰縑次即純已酉鄉貢士季曰紘女二人曰綺適方  
潛曰纓度出也孫男十二人徙義蒙養俊童近思克己弘

訓象賢鵬停熙載允濟汝霖某孫女二人其葬以某年某  
月某日其墓在某鄉某山之原嗚呼君之學行自足以昭  
當時傳後世豈待表而見哉然孝子之心自有所不能已  
者也故為之述其槩俾勒石于墓上

浙江圖



浙江圖書館



故奉議大夫鄭府右長史賴君墓誌銘

漆貴

楊士奇

正統六年八月十五日鄭府右長史賴君沒於家其子翰  
林編修世隆繚經奉監察御史薛希璉所述長史君事狀  
求余書墓上之石賴之先自江右徙汀之清流世有科第  
襲厚德高祖諱寧曾祖諱霖祖諱季宗考諱福興皆持行  
不仕長史君諱漆貴字景望晚號澹菴生時而孤母陳育  
之訓之長而悟解穎敏從學縣博士兼通書春秋禮經工  
為文章永樂己酉選鄉貢明年會試禮部中教官選授浙  
江麗水縣儒學教諭九載以績最陞教授需闕言於朝願

仍就教諭從之除仁和縣學九載績又最當陞諸生列狀  
乞留會簡陞鄭王府伴讀侍王之國鳳翔每長史缺即命  
君署其職事鳳翔學者率從之受經其仲子世隆官翰林  
思典得封父母君既授棄職就封之例王重其去即舉  
奏為右長史從之授奉議大夫無幾丁內艱去既服闋以  
疾終於家享年六十有二君為人坦直存心忠厚孝於親  
友於兄弟睦於宗族誠於交友於恭遜居鄉黨以詩書行  
義成其子以致知力行勵學者而施教孜孜不倦恒躬率  
先之學者後多由科目升擢要官有名于時其待諸生如  
子有為怨家誣搆郡守惡其抗直將黜為吏者君力為直

之有負官租不能償者倒囊代之償前官所收廩米歲久  
腐壞有司責民之守廩者償民窶不能償將自經君捐已  
俸代償蓋於排難解紛周急濟乏率謂當然其在藩府也  
從容正道隨事獻替甚為王所重平生利一芥不苟取處  
事必當理朋友死無所歸盡禮葬之隸人啓土築垣得白  
金一罌有告君請分之者不聽惇義遺利槩類此學有本  
源未嘗惑于老佛邪說所著有經義若干篇古文若干篇  
詩若干首存於家其配曾氏子長五長世昌次世隆宣德  
庚戌進士擢官翰林次世安次世和次某女二長嫁王瑾  
次尚幼孫男十其塋以正統七年墓在其邑某原銘曰

縕  
積厚逢掖世振振繩繩續續繼蚤孤克奮卓特志上  
周究洙泗扶隱闡奧發經義黌宮坐正臯比位詵詵  
童冠左右萃講道授業開蒙蔽昕肝疊疊殫勞勩聲實茂  
起光昭喇親藩毗輔式簡畀懷忠瀝誠秉正議匡直眎古  
靡怍愧內薦孝友推施濟凡諸士行殆乎備既沒而寧以  
其窶銘以表之太史氏

奉議大夫遼府右長史楊公墓誌銘

述

許彬

景泰甲戌九月十四日奉議大夫遼府右長史楊公以疾  
卒于官距所生洪武甲申八月十二日得壽五十有一其  
子清以禮科給事中卜日將歸葬懼親之潛德不白于世  
持其執友太子少傅兼吏部左侍郎俞公所狀事行詣余  
泣拜請銘按狀公諱述字宗道姓楊蘭谷其別號也其先  
本漢太尉震之後幾世祖諱某仕宋扈蹕南遷因家桐鄉  
故子孫今為桐鄉人高祖茂曾祖懋誠祖德順皆秉德飭  
行不樂仕進父禎字希孟樂善好修躬履安恬年今八袞

康強無恙配姜氏生二子長著早卒次即公也公自幼天  
資穎敏經書子史過目輒成誦自童非時已有聲出儕輩  
時郡守淮陽齊政教授儀真陳立皆竒其為人而獎諭甚  
至甫弱冠果以書經領兩浙鄉薦第一人試南宮連不志  
于有司而竟登名右榜有宜與司訓之命恒自嘆曰士之  
仕將以行其學也吾能推其學以淑諸人所得多矣乃欣  
然就職宜與士習素務記問而經傳本旨多不之講科第  
常乏公至一新教條而謏掖諄切士知務本至于今登名  
科第者後先相望滿考陞湖廣監利教諭而施教之法一  
如宜與講下諸生登臺省者蓋袞袞也監利荊州屬邑相

去幾三百里而郡守劉勇嘉公之善學善教簡郡庠之聰  
穎者遣就學于公果取科第正統甲子秋膺聘幣至試川  
蜀途次有持白金賂公求中選者公正色拒之既入院言  
于監臨主守臣曰朝廷設科重在得人苟去取不公罪  
在我輩脫防範不嚴公等何辭闕將終其全場者多不相  
稱而解首之人公簡減場一卷曰此作辭理明贍筆力高  
右當冠多士既輒棘乃長寧周洪謨曰明年洪謨果登春  
榜廷對第二人蜀人至今稱公藻鑑焉歲丁卯當大比  
上命彬主試闈間而同考受幣聘者五人公其一也公考  
詩書二經脫得一卷欣然持以告余曰此榜首也已而閱

諸卷莫貳過之及拆卷乃莆田陳俊也明年果登進士高  
等今為戶部主事公學博氣充侃侃持正論于同事者少  
許可獨以余齒少長頗推讓其年策問潮汐盈縮之由監  
臨官有議之者曰此題當試游藩士子彼謂浙江有潮公  
應教曰潮生于海天風海濤考亭朱子所書何以不在浙  
而在閩乎况理無往而不在士無往而不學議之者慚而  
退景泰辛未以九載滿會 遼府長史缺負 朝廷崇重

親藩慎簡輔翼遂陞公今官到官者罷冗食之徒別土田  
之界且力勸世子務學讀書 王用嘉悅 王素好賢樂

善自以為得公之晚公亦蹇諤自持隨事諷諫多見嘉納



嘗子書公正二字賜公公拜手謝曰臣敢不祇奉教命比

得未疾

王特賜藥物命醫治療疾劇鶴馭親臨其弟慰

諭久之及卒深加悼痛賻贈優厚配蘇氏貞淑端慎有光

壺範其初本同里即墨教諭張志學之女徽州太守某之

孫中山太守某之曾孫以其父出繼於蘇故稱蘇先公幾

年卒繼潘氏江陰官族女也子男四長即清次表蘇所出

次素次春潘所出也女三人守貞曰福寧陸仝朱萱其婿

也曰文女幼在室孫男一孫女二人嗚呼公平生孝于親

友于兄弟于友而強學博聞與人論辯下上古今雖數千

百言歷々如指諸掌而辭義慷慨卒能得其是非之公而

歸之于正所謂浩然之氣沛然莫之能禦也其為文章務  
澗滌刮剝以去陳言而詩律清新典則期追配于古人使  
其大用則致民澤民之志不極其至不止也而遽止于斯  
悲夫公有蘭谷拙藁文集二卷藏于家又嘗訂正潘迪所  
註庸學序解刊行于世擇明年月日葬其鄉梧桐里祖塋  
之次與蘇氏合兆焉銘曰

昏明強弱才也窮達壽夭天也脩身俟命人也君子脩其  
在已俟命于天而已宗道勤一世以脩諸已而卒不大究  
厥施其命也夫其命也夫

興王府左長史贈太子少保禮部尚書兼文淵閣大學士謚恭僖張公傳

姑蘇顧璘撰

張景明字廷光號葵屏浙江山陰人也幼聰慧日誦千餘言年十二三補邑庠弟子員成化庚子登鄉試庚戌錢福榜登第時睿宗皇帝初開藩邸長史馬政輩以不職罷孝宗皇帝命吏擇可為代者尚書王恕即以景明為左長史表宗臯為左長史人多惜此兩人不得他用者景明曰賈誼董仲舒不有聞于時乎忻然入謝睿皇於諸王館諭之曰卿等皆明賢當大明今屈卿為輔幸共黽勉以善聞於世耳景明等頓首謝明日上疏勸睿皇正心謀學以周公

及漢東平河間為期深見嘉納又獻為善最樂詩以寓規  
諷睿皇賜以金帛居數歲從之國詔賜正四品服國中事  
無巨細皆經畫有法上書陳六事睿皇優旨荅之仍賜金  
帛又上廣胤嗣通恩澤厚風化養心源屏左道免括  
增田六事睿皇稱善歲丁卯以憂去睿皇奏虛其缺以待  
越三歲返國睿皇晏駕今上為世子方在諒陰今攝國事  
申外肅然景明尋病力求去今上慰畜有忠厚清真之褒  
病且死謂所善大學曰死何足恨但嗣君幼冲不得終輔  
之以酬先生厚德耳遂卒卒之旬月上繼入大統時人皆  
惜景明不得大用于中興之朝也追贈太子少保禮部尚

書文淵閣大學士謚恭僖子元恕廕光祿寺署丞元藩廕  
大學生



浙江圖書館

浙江圖書館



浙江圖書館

秦府右長史梁先生墓表

弘治庚戌春先南郭君守延安入覲已事言于太宰三原  
公曰郡游荒之後士大廢學無良師焉爾請選省試中乙  
榜者署學職三原公曰守言良是命選司議之且擇其優  
者往夏諸君懷檄至教諭延長則鄭人楊懷思善甘泉則  
崇慶李先生諱健字子乾清澗則陽城張緯大張延川則  
我時齊先生諱濤字德宏訓導膚施則廣安蘇森茂之綏  
德則中江彭萬里衢享閭中楊沘惟深先君咸賓之俾大  
敷訓十餘年間延安科第遂與西安可伍先生純心重儀  
响言敏行不為華貌狗詞善朱氏詩發意指物章揮字鍊

為文馴典雋永味長既教延川先君又令署篆群中學以  
教他士銳甫成童獲執汛掃之役又署延川縣事平賦簡  
訟郝氏起大獄無能決者先生鞠其實悉刑之其兄弟叩  
神誣訕旬中兄弟死于瘟任將九年丁外艱歸鄉里諸生  
別皆哭失聲服闋晉南監學正再晉慶府右長史乞歸  
養不遂遭母喪後實鐫叛逆瑾矯旨罰贖米四百石人謂  
以來價之半賂瑾則免先生竟輸米兩治喪遵行家禮服  
闋至吏部宰遂菴曰此生在晉陽為我賢徒在秦為我良  
屬在慶府為剛傳不以憂還實鐫無變矣秦府右長  
史先生操履修潔臨事介直自王以下咸敬信念長安



李盤嘗訓導稷山歲往祭仍粟其妻子以其暇修稷山志  
徵寶明典示政學之短不幸遇疾而卒正德 正月十

有一日也享年五十有五生于天順癸未四月十五日先  
世本絳州正平人元初 稷山曾祖某俱名醫父某楊莊  
巡檢母趙氏配姚氏子三人相學生櫟格乙未進士知濟  
陽女三人孫男十人女三人曾孫男四人女二人先生疾  
革作遺命曰為吾後者其讀書以明適安分以養德其仕  
者勿擾民而剝之勿厚殖產驕惰其子孫先生既歿我姚  
毋立家教子稷山名法之屬其家吾友格以惠直治濟陽  
身先克約以率下夫世豐而縟禮家榮而恣習矣吾友其

不汨流倍克嗣先德者乎



浙江圖書館

崔銑撰

明故襄府長史南川林先生墓表 先

湛若水

周公而上其道行孔子而下其道明其道行者其言微其道明者其行絀是故明者其體乎行者其用乎白沙夫子崛起南方汧瀟洛之源以達于洙泗慨然任明道之責當是時得其門而入者惟南川林先生一人而已矣南川靜坐清湖餘二十年玩心於神明默契乎大道其質于師之言曰元來四方上下往古來今直是一個克塞周洽無些小欠缺无毫髮間斷無人我大小遠近如一團水相似都滾作一片又各飽滿无相干涉者前輩謂堯舜事業亦是

一點浮雲過目今始知其果不我欺實見得所謂充塞天  
地之間所謂天地位萬物育所謂建諸天地而不悖質諸  
鬼神而無疑百世以俟聖人而不惑所謂至誠而不動未  
之有也所謂洋洋乎如在其上如在其右左與夫高宗夢  
說之事朝聞夕死之說方各々有落着曾默三々两々看  
来自家多少快活何必勞々攘々都不是這個本色千古  
惟有孟子勿忘勿助之語最是不犯手段也斯不亦見道  
之體乎然而言則精而行絀矣先生事竹齋府君如事天  
其事游太夫人如事也故孝敬行于家庭孚于族鄰聞于  
巡撫巡撫朱公為勸駕焉中乙榜教諭平湖遷教授于充

州再補嚴州所過士習以化而師道尊破規條之說而重  
以身教化舉業之陋而合于涵養去支離之弊而究于一  
本薦進監博學者進學有解教胥有辭士人就矩縉神考  
德拔為 襄府左長史正國法肅官僚懾奸佞清宮禁立  
體統一府大治及其既老以禮而退能以正終故方其隱  
居清湖也人曰未可以任乎吾方求吾志也吾何為而易  
諸及其任也人曰未可以止乎曰古有為貧之任者而乘  
田委吏所不辭也吾何為而去諸斯不亦見道之用乎然  
而道明矣甘泉子曰夫道體用一原者也昔者孟子稱伯  
夷伊尹柳下惠孔子之聖於伯夷曰治則進亂則退於伊

尹曰治亦進亂亦進於柳下惠曰不羞汙君不辭小官於  
孔子則曰可以遠則遠可以久則久可以處則處可以仕  
則仕夫聖之為德亦大矣而直于進退仕處久遠之間言  
之何耶明體用之一原而变化不居也故即用可以觀體  
矣即體可以觀用矣即體用之全可以觀人矣南川先生  
之學其蓋亦以是觀乎若其贊述存乎文詞其行實存乎  
家乘余特撮其大者表而出之庶來裔有觀焉先生諱光  
字緝熙子二人長時表醫學訓科次時表鄉進士能繼家  
學從予遊語予表于墓石

懋齋李公傳

羅洪先

懋齋李公者吉水谷平人也名勲字功大吉水李氏谷平最著先世多顯宦而公會祖仲和為會昌訓導仲和生從遜從遜生即溫即溫為人長者少敦貞介之行年三十不知卜婚里人號為拙隱君後娶蕭氏生三子而公在仲少微吃兄熙數苦楚之間不速對輒擗面固不容啼哭也母見面墳赤疑曰兄汝擗耶曰無也于是家人莫不憐公拙隱君賈懷寧有息產公因畜為懷寧弟子員是時年且三十有二同舍生咸以課業推公及背誦諸經子書文不遺

字其條貫肯綮悉有口傳屢為督學御史賞識比鄉試目  
所坐以是竟不一過又二十年以歲貢上禮部而拙隱君  
年又甚高求便養得河南新野訓導故不得抗學諭督諸  
生諸生課業既無口傳每試教諭未有知指摘者公乃日  
夕為說書生課業人聞所未聞即有品詳一一皆當莫  
敢背語有勤業者助膏火夜且具食勞之於是教諭讓服  
而諸生亦競文相高舊習一變新野久不舉鄉試陰陽家  
指學宮阨倉為解會御史戴忠行縣公白徙倉未幾諸生  
肅聽齊雲相繼舉而新野地易歉市妖游食甚衆公病之  
覩于衆曰教化所以開風俗不經教之辱也今聚倡優誘



無賴為奸汙諸生行又擣蒲鉤蹴射注能傾人家夫民性  
若水易下也耳目染濡將室家奔潰敗產廢業父兄何利  
焉其共逐之隱弗告者治如法未幾竒衰為之越境而徙  
公故爽健善濟事成化乙巳河南大饑流移載道令不能  
掾公捐俸施粥待之多所全活嘗攝縣 朝廷遣中使禱  
太和山沿途怙威索賄公一莫應且嗾縣民挽車許貧中  
使懼夜遁去當道數薦其才而公亦以九載當代至京師  
考最陞永豐王教授永豐 懷順王者賢王也文而下士  
往時衛教授老而罷教 王諸子無狀數蒙詬詈及見公  
豐頤長髯眉背負鍾衣冠甚偉乃大喜謂諸子曰李先生

真教授也而輦無若視衛然公朝 王從容援古今賢哲

事為諷 王亦從容引謝退必起送盡階乃已未幾 懷

順王薨而 長子嗣王不敬喪公為書以諫其畧曰臣聞

三年之喪 天子達於庶人無隆殺者本人情也今 王

喪未及朞而飾袵輿馬國人駭嗟臣竊悲先王之盛志不

續矣臣聞祖訓者 高皇帝所以保佑後人慮至遠也今

有千金之產猶思念其祖父獨奈何輕身犯不諱乎夫御

女太早則體不內充馳馬逐獸則氣狂奔而易竭內外交

敵欲求永年猶膏自焚而葬之薪也蔑不燼矣且制節謹

度滿而不隘者諸侯之孝也今王歲祿不增而賜予太濫

薄視先生親戚婚家不時宮室蕪穢殆末可以保國謹上  
十事一曰法祖二曰厚倫三曰尅喪四曰親賢五曰遠色  
六曰謹玩七曰絕射獵八曰馭下九曰別嬖十曰節用惟  
王幸焉書上 王頗悔悟而公亦拙隱君喪將告奔

王曰嘻吾可一日無先生乃上教授善狀請無注代而自  
給半俸終喪公傳 王十六年宮中事無弗與聞後 王

禮意稍衰公覺之棄官歸 王弗能畱念公勤勞請進階

淮王右長史致仕復終身 上從之公家居十五年族

戚無少長莫不敬憚公公正容體謹言笑性峭直喜面折  
人々有過多自掩匿懼相聞後里中盜起白晝殺人過公

門呼曰公幸無恐我輩何敢傷善人蓋勵勸二年竟如年  
公娶曾宜人生四子璞璘璿璨女俊嬌適先大夫山東按  
察副使羅某封宜人曾宜人者石瀨曾文簡女也性質木  
勤女紅公居貧賴之年三十二卒懷寧懷寧張慶遠者重  
許女而慕公聞曾宜人卒以女歸是為張宜人生子琬女  
阿嬌適弟子員張京曾宜人之卒也四子幼先夫人統七  
歲張宜人婚嫁無所分異以慈煦稱自公上世多壽考拙  
隱君壽九十有九而公亦九十有二且二十年不得葬洪  
先悲焉嘉靖戊戌正月壬午塋公周嶺杜山前甲後庚而  
宜人祔左右是時子璞璘孫孫倪健先卒視塋者獨子璿

琬孫儼侃偉佐六人云 洪先曰余侍先大夫自叙初婚

時事息公至厚也公治家有法教子女嚴而正當是時納

幣之禮甚儉不計也顧日督其課業已又令習禮容舉足

出言緩急有則自居室食飲食莫不告戒二年而始予婚

蓋終身父視公云而余見公則穉也公授以趨走唯應諷

誦書札諸節目且執其手曰汝必為大丈夫幸毋忘我公

卒十年而余符罪史官無能自効公諸子孫顧未有成公

志者嗚呼公之治家蓋盈縮迂化累貲數千金以是義發

任事多捐俸不自惜晚年聞諸僮奴啜宿糗輒涕下不忍

見今子孫貧甚宿糗日且不充幸公不及見耳嗚呼悲夫

公居室常觀曆酷類戴仁所為故得壽考然鄉人往往因  
公子孫之貧咸疑天道福善不甚驗解之曰屈伸盛衰數  
有適然者雖聖賢不能違也故未可釋所遇于外知其不  
能必也故未可易所趨於中何則斯二者皆天也由是言  
之公之至斯極也即謂之天道亦可也又何疑

中憲大夫徽王府左長史石湖吳公墓誌銘

邑人林樹穀撰

嘉靖四十二年八月二十二日石湖吳先生卒郡邑士相  
與咨嗟太息曰耆哲逝矣已而督學麻城耿公吊其廬出  
先生遺編歎歎讀之迺采士議齎祀先生于鄉賢嗚呼先  
生所謂有道儒君子也先生諱稷字舜弼學者稱爲石湖  
先生幼穎敏長凝重端慤見者偉之年十五執父喪如禮  
已治經屬文名籍起爲郡守宜春劉公督學莆田陳公所  
獎識弘治辛酉以儒士應試明年補郡諸生正德癸酉領  
鄉薦甲戌第進士謁告歸卜築城東杜門績學著清望丁

丑上銓部授金華府推官未幾調惠州嘉靖甲申遷荊州  
府左長史己丑進四品秩庚寅疏請侍養丁內憂乙未除  
服改徽府己亥先生致仕歸先生敦行薦古于吏治解緣  
飾然筮仕華以廡慎稱比讞詳恕屬邑永康武義民囂訟  
先生嚴法禁移其倍武義林丞有年者以諫左官為民搆  
誣力白之寘豪民犯令者於法坐是拂上官意移先生惠  
州始至署郡篆裁冗僻革濫役疎繫囚置規過櫃于門左  
保甲以調盜中丞聶榮襄公下其法于諸郡博羅民以喇  
聚伏法治者株連賴先生辨釋獄解海豐令某以墨黥特  
援視事如故覈檄逐之去兩輔親藩引誼規正進賢王箴



芸窓賦以寓諷尤嚴憚之其慎職類若此平生說意閩洛  
之學在金華日謁章文懿公于家因事請益及來惠州蒞  
渠魏恭簡公以督學治敷教迪士尤委重先生而谷坪李  
先生會言事謫丞通衢惠屬也相與研析道妙微詰異同  
文之有得因梓行二先生所說式諸士致力于閑邪求仁  
以私體驗自謝事歸著書談道非公事不入城府有司延  
鄉飲大賓間一赴之布衣糲食顏垣敞宇處之充然居間  
宴坐一室扶策伊吾意得即口占一咏惟陶寫性情不若  
詞人琢句為工也家庭雍睦萬倫理推先業以居從足迎  
養寘妙終其身月旦望夙興謁先祠遇時祀必齋戒致虔

寒暑間接人盜晬可親至審義利不苟一介鉤距逆億  
米鹽握筭之事一不經意而鑽研問學不愒寸陰歲癸亥  
先生著衍壽編見者以衛武公抑戒擬之然未幾先生逝  
矣先生生成化壬寅二月九日享年八十有二其先世錢  
塘人六世祖益之始著華亭居北錢里石湖橋高祖公肅  
曾祖賢祖章貢生父禎以先生貴贈奉政大夫徽州左長  
史母戴氏丁氏先生丁出也配陳氏繼蔣氏李氏贈封皆  
宜人子男三長充府學生次允陳出次亮府學生蔣出女  
四長適鴻臚寺主簿孫克紹次適顧應遠盛于朝庠生尹  
全孫男六應鷗應鳳應鵠應鸚應鴻應蕙尚幼應鳳應鴻

俱邑庠生女六庠生宋堯咨李人惠朱朝貞潘朝聘李進  
春朱朝貞其婿也曾孫六庭芝庭蘭庭松庭檜庭桂庭椿  
曾孫女一俱幼平生所著有自得園稿宦遊稿石湖漫  
稿破愚錄史綱纂要截于而皇明正學編尤禪道脉云先  
生生而近道薄嗜好褻身清白步趨不越繩尺自蚤歲力  
學暨游嶺東切磋于莊渠谷坪二先叅互考證既而谷坪  
往返虔臺悉所聞于陽明致良知之說以相剖質先生潛  
思密會究其指歸蓋服膺四十餘年而要之所得於深造  
默成則求仁之功居多予嘗侍先生見其氣貌淳厚語呐  
呐不出口至誦說理道稱引當世名輩言纒々使聽者只

起郡中士談理學者自先生始先生尤善引後進孳々不倦予與楊太常朋石習聞先生教先生折輦行與之交先生既堊充亮等述先生行實屬明石詮次之以授予曰其可使先生無傳予故論著之系之銘曰溥濶樸散習久沿聖遠道喪無真傳支離倍學徒拘牽伊誰任之懷仔肩先生崛起非偶然扶輿清淑鍾山川紬繆繹史窮鑽研得中遺外任則遭切劇志義相後先鶴山延平稱兩賢忘言密契符真銓敵宏實鉦在懸淵源正學乘遺編天下懃遺與化迂噫嗟道脉誰為延琢詞矢履視珉鑄考德論世于萬年

衡王府紀善周公傳

廬陵楊士奇撰

周是脩諱德以字行周吉之泰和爵譽里名家其先諱矩者嘗顯于南唐至宋累有科第其支裔徙灑江里是脩之所自出也是脩少孤貧自奮于學從游鄉先胡渚樵以孫妻之又從國子學錄蕭執先生明詩經初舉霍丘縣訓導入見太祖高皇帝擢為周府奉祠正高皇帝上賓之明王有告言王過失事王府官屬皆下吏是脩以嘗諫得免改衡府紀善預脩纂翰林教陳論國家大計及指斥用事者誤國用事者怒衆共挫折之是脩屹不為動

太宗文皇帝靖難之師既渡江駐金川門宮中悉自焚  
明日是脩留書其家別其友江仲隆解大紳胡光大蕭用  
道楊士奇且付後事暮入應天府學自經六月十五日也  
又明日臣民推戴文皇帝繼大統數月御史言是脩不  
順天命請加追戮上曰彼食其祿自盡其心一無所問是  
脩內貞外和有孝友忠信之行非其義不苟取襟懷坦明  
灑澹而冲澹悠然其孝自經史百氏下至陰陽醫卜之說  
靡所不通為文章未嘗締思援筆立就而雍容雅贍詞理  
條達稍假著述吟咏不虛寸晷所著有詩小序詩集義詩  
譜論語類編廣行太極圖觀感錄綱常懿範迺言家訓葛

堯集進思集是脩汲々導誘人善人有過失恒為之隱以  
是無少長賤貴皆樂親之明知人所薦士如梁用之劉叔  
恣皆知名當世是脩之學雖間未純然于明綱常為世道  
計必身履之而不徒託之空言豈非卓然特立者歟是脩  
卒年四十有九時解胡蕭梁皆見諸文字然屬倉卒不及  
詳今二十又八年矣知是脩者獨余在每追念君子清白  
之節 文皇帝日月之明既照其心豈當遂致泯沒故述  
為小傳以授其子轅使傳焉

浙

浙江圖書館



浙江圖書館



唐王府紀善靜菴周公墓碑銘

衡

增城湛若水

周子道通卒于唐府歸葬于宜興其子有徵以其執友黃  
門右菴毛先生之狀來乞銘古菴狀曰君諱衡字道通姓  
周氏號靜菴常州宜興人曾祖士原祖海考欽號慎齋妣  
徐氏生君于邑南舍兒時不好弄恒侍父母興寢不急稍  
長從仲兄衢授尚書補邑庠生正德庚午領天鄉薦明年  
會試中乙榜授江西萬安訓導身率諸士白當道建四門  
社學萃子弟萃子弟居業而升其秀者于泮宮旌孝子劉  
靜以惇風教刻經刊謬養正群書以代口授庚辰用御史

徐公讚薦銓授湖廣應城縣令朔望則召耆老詢利弊門  
設二筭署一日䟽通民情一日願聞已過五十家牌以弭  
盜賊東建謝上蔡祠以風文學西勸常平倉以備賑恤配  
邑正之宜若干條白巡撫秦公書曰可以為式矣俾榜堂  
左刻導道錄唐錄上蔡語錄心政啓鑰頌訓士民嘉靖壬  
午當道䟽君耳疾銓司邵武教授其教如禹安加密焉創  
聽屬會友約以資進脩復鄉賢泮先生祭田蒐集遺書付  
厥裔孫景壽督學端峯邵公銳重之與之論學及博約知  
行之說益嘆服乙酉進唐府紀善屢以正學啓正尋上  
定志脩學以防逸豫䟽又上脩德裕後十二事而明聖學

近正二條尤切 王敬重之乞移半祿養母閱歲念母老

假使筮歸省越庚寅 藩府以檄來徵母命之曰唐藩息

不可忘也屢捉行黽勉致仕舉會極約作希顏日抄謬酌  
行橫渠井田遺制未遂而止壬辰 王疏薦曰周蘅心志

通明操持端謹詔加五品俸級儲長史缺八月得疾將廖

聞母訃號慟轉函卒實二十二日也享年四十有七 王

誄之曰天奪藩珍上下咸哀傷之配趙氏有賢行千里扶

襯來歸哭臨如禮子曰有徵女四孟適儲官仲許聘庠生

尹志伊叔未聘季許聘江陰朱某將以卒之又明年甲午

十二月某日寔某里新阡君資稟純明心神疑靜始為學

銘其牖曰存心為學之要知耻而入道之要其志趣可知已在岸從願山吳先生學在萬安聞陽明王先生講道于虔函往受業聞求心致良知之說以聖為必可學以存天理去人欲為下手工夫自應城之京復受學于甘泉湛先生聞隨處體認天理之要之邵武授諸生以二先生之學信從者衆嘗問人朱子榮輩質疑陽明問吞其傳習錄中自唐府婦者復往見甘泉于南雍益得聖學之實語同志曰湛先生之體認天理即王先生之致良知也因偕同門蔣子信集師說為新泉問辯錄暇則行鄉射投壺禮士皆歛衽推讓涇野呂子為古通儒咸相文往稱有淳雅

氣象予辱道義切磋甚久論辯知行敬義慎獨博約知行  
皆慎獨工夫內事目也凡學須先有智識然後力行以至  
之則幾矣又云來講須腳踏實地敬義夾持此為已規模  
大畧夫君子之學終日終身只此一事蓋理不外一中即  
吾中正之心是已無事時戒懼照管吾中正之心而常存  
有事時亦只戒懼凡事循吾中正之心而不雜是謂敬義  
夾持心外無理心外無事學者知不可須臾離又何患脚  
踏不實乎時巡撫陳公延予與君主道南書院教事辭避  
再三始就揭白鹿洞規而充廣之士多興起又闡敬一箴  
為會極約聞陽明喪與同門黃子雲淡做先哲作師服謚

以正學誨諸弟子有容輩屬望甚切大率君之學篤信二  
先生之道復諭于諸同志所謂知行合一敬義夾持體認  
天理尤為切要造諸平實行履純固庶幾高明矣使天假  
之年則優入道奧至顯前護當天有所就惜不及五十而  
卒悲夫甘泉子論曰昔鍾期死伯牙為之破琴顏淵死孔  
子以為天喪予師友相知相遇之難尚矣予觀毛黃門古  
菴先生所為狀其亡友周紀善衝道通之行詳焉是故於  
遊于陽明訂于新泉知行傳約究其指歸知其學矣於萬  
安郡武聯會友遵道之刻唐錄之編知其教矣尸于應城  
誠甯求言立甲弥盜知其政矣新泉問辯會極投壺橫渠

井田知其志矣啟 王正學定志脩德親近正人知其用  
矣甘泉子喟然嘆曰昔孔子告哀公以顏回好學不幸短  
命死矣今也則亡若吾道通者四十七而逝世豈有如道  
通好學而短命者哉或以道通聾疾而易之夫天下之不  
聾者不短幾萬億而其心之不聰老死不復有聞乃真聾  
者也若夫道通聾于耳不聾于心古有之者徐仲車其人  
人耳又曰道通昔在辛壬之歲因其兄醫士衛見予于金  
臺而問柰焉予為祭酒于南都道通又舍官歸省從于觀  
光之館講于新泉精舍師友切磋于嘉會所至今規條在  
石予每視之惻然道通不敢背其師而忘其言然其真心

聽受以求實益其異于死守門戶以相訾而不悟者遠矣  
至于體認天理求大中不喻之矩入自然之門立的于勿  
忘勿助之間今則已矣安得契道通而與之究竟斯義哉  
因按狀感慨而為之說系之銘俾刻于墓道銘曰於平生  
之難學之難成之難奈何乎於天於乎道之通道之窮  
之命也夫奈何乎道通甲午十一月初四日



何奉祠公傳

陳昌積

奉祠公諱某字某其先鳳翔人父諱某仕元任四川廉訪使過閬中縣觀其倍質直可居解官居閬中遂為閬中人閬中四川轄縣公以故吏與編氓雜處見父老行輒執卑處群從怡怡如梓里項輩閬人至忘其為故吏公亦不自知其寄寓也課勅子弟教甚每讌見輒條家行所宜為督以躬行故諸子恒凜凜為慤循奉祠公最甚公當少小時昕夕不敢離父母所眡父母舉措察其情所安者倣習不替廉訪公手所閱經史受之公刻行細讀暗乙其詞旨精

切者撮為私淑雖兵革衝斥竄避亡虛夕然必袖書自隨  
行坐諷誦久之融貫徹繹操紙治文根經串史詞意邃茂  
于是川中諸儒自以為植經規行不及先生矣明興 太  
祖高皇帝首建太學詔天下各選孝弟博聞之士及秀才  
通一藝以上充弟子員受業祭酒闈中推擇公以應詔公  
就學益力裘火炊糗寒則注沸水於壺納卧被下熨足以  
乙書雖過勝節放假坐號舍理常課自如數年足跡不履  
成賢街外其刻苦如此是時碩儒瓌材咸集國學獨推先  
生行藝為冠首積分弁率性堂生員洪武九年上念北平  
為山陝 奧思建壯王以綏轄之察諸子中惟 成祖文

皇帝聖神天錫文武具稟宜鎮雄畿特田封於燕卽今北  
京云尋令祭酒擇上舍生經術通明器識老成者備官屬  
徃徃祭酒以公名上詔授燕府奉祠者禮官也專典  
祠事其慎重非他王國臣比公慨然曰半爵一職卽足以  
自獻所患不忠勤爾何啻、計寒顯而自限也營職務

勤每遇月祀歲蒸及禋望之事先盥菹入坐齋堂豫習  
升降獻奠儀度俎器等物皆袒韞自浴日一躬省養犧香  
幣靡密檢究不遺過同列執事者豫舉上所頒戒詞戒之  
有不曉解疊、指諭無敢一人慵渙以故祠事常秩甚當  
上意上雅重之常宣至帷幄屏人恣議公具以質對不可

則力諍于上前曰臣下求新合于主固其常情若逆知其  
不可而謬順以攫榮恐不旦暮而伏斧鑕矣固何敢上察  
其無他腸又能以博恂長者處官親洒翰為忠恕二大字  
賜之公稽首謝曰臣愚經術淺無能贊助宏謨殿下寵臣  
甚盛飛白賜臣教臣為臣之子孫與誠當身先  
犬馬以報公感殊知退為忠恕銘以自盟且以策請來世  
其辭贍核可紀云其後成祖入靖內難承繼大統踐皇  
帝位藩邸諸臣各次第登朝廷茹常為兵部尚書張玉立  
宗等各封公侯餘膺顯秩者不可勝數公獨稱疾固不起  
以奉祀官終于家夫榮寵爵級世之隴斷所決性命以必

趣者也彼披褐結屨狀衡引軛之群或以賤技角抵之戲  
曾蒙人主一瞬或以奉蓋屬車提引厠牖之後徧末隸于  
左右非有大因緣之資也一聞飛龍之會遠者累趼擔囊  
賂覬臣 通故近者當駕伏蒲自陳說其出身其乏因緣  
者則連疏聯紙據假借之事飾麗媚之辭接旁證曲傳之  
故務聳九重聰聞而動其舊憐百出秘刺削首頷而營之  
不得不已歟無他蓋歆承日月之彤以發越其門戶爾幸  
而蒙右眷位膺貴則坐高輿披賜服操呼吸風濤之勢以  
洞揭薰赫人使趨已不暇視黼裳玉紱為生賦世襲之具  
晝村宵摩以覓持保之術苟可媒購不辭臧獲婦寺語態

而甘心之甚則叙感許昔箴然出無情之涕固要上意  
有組削之所不為而為之矣嗚呼朝廷之士入而不能出  
又何艾其然也奉祠公躬被 文皇帝寵知有年國即群  
臣解出其右顧弃橐囊之富貴而甘遯丘壑舍魚水之君  
臣而與牧豎為伍殊異乎世之嗜習矣豈聞介子推之風  
而興起耶抑所托玄微不可測度耶昔漢憲王聰達有才  
宣帝竒愛之幾代儲者數矣既出封淮陽帝懼其習驕欲  
諷以推讓之臣念韋玄成陽狂讓侯兄經明行高特起廢  
為中尉憲王卒賴其風導以寢異志此有備無患之明驗  
也向使公不樂畎畝進序朝請上重公耆行或簡相漢藩

施其溫克抑畏之規自然消其携心必不至自蹈非常以  
貽大戾公之功名烈烈與玄等無疑矣而乃去彼取以其  
志誠深遠難測矣世傳成祖能容伏節高尚之士培治  
世精神以故公得竟行其志云昌積曰楊子雲有言君  
子德名為幾蜀嚴湛冥不作苟見不治苟得久幽而不改  
其操雖隨和何以加諸然實蜀之產也古謂蜀多大隱之  
士以奉祠公觀之詎不然也公托素人主又非若嚴湛冥  
之平生于岩著也棄華而就高尚尤不其難哉

浙江圖書館



浙江圖書館



陳仲昭墓銘

方孝孺


仲昭諱子晟姓陳氏閩連江人少喜讀書有名里中長老  
稱之洪武四年詔用科舉取士仲昭甫任冠即以周易與  
諸儒試諸儒顧莫得仲昭名在前列福建行省貢于朝廷  
議以之俾入太學選為荆王伴讀是時天方寵士俊  
郊祀燕遊過竒異恠偉之事輒命從官王臣年少賦詩屬  
文親第高下咨賞其能仲昭從太史公學文有法可觀尤  
為上所顧命缺闕命廷中年少趨過目視可拜叅知政  
事御史郡守數十人仲昭久之獨不與九年從王之國後

二年還京師病死中都學舍仲昭侍王蹇直敢言王甚任  
之其府長史譙巧授王經不正說恣王所為無所諫正仲  
昭每廷詰之長史輒面赤趨出之會仲昭至楚娶婦甚  
愛婦翁譙為兵戍邊惟外姑及女存仲昭還京師欲與外  
姑婦俱行長史持以為兵妻不可格弗許仲昭獨行行發  
病念婦及外姑不置遂死時二十六矣仲昭敏而專退  
朝覽誦綴述不少暇其鄉老生多造舍請其文自謂不及  
閩中諸儒亦皆竒嘆不敢望太史公尤稱之雖余亦重仲  
昭可友嗚呼今死矣與仲昭同在少年才器出仲昭下多  
致大官又善與人合無所忤不遇禍仲昭獨以直取恨死

不淂志豈才者固人所忌耶或言 貴脩短出于天世之  
淂者甚衆不必如仲昭則與仲昭獨夫死豈天亦棄才耶  
嗚呼其可哀也仲昭死以洪武年四月一日葬以某年月  
日銘曰孰俾子賢乎孰畜子年乎孰使子無傳乎嗚呼天  
乎



浙江圖書館





浙江圖書館

九九



浙江圖書館

八〇



浙江圖書館

浙江圖書館善本

甲登記號：006690

一九 年 月 日


八〇



浙江圖書館



colorchecker CLASSIC



xrite



